

h ní:ioht tsi ienkhehsennínion'te'.

Oh nahò:ten ioteríhonte ne kí:ken kahiatónhsera

Kí:ken kahiatónhsera tekarihwa'serákwas oh ní:tsi kakorahserá:kon enhshehsennínion'te' tánon' wathró:ris oh nahò:ten ensahrhá:reke' nó:nen enhshehsennínion'te'.

Oh nontí:ren tsi teionnitiohkwakénnie's?

Nó:nen entewaterihwakétsko' tsi tenhonnitiohkwakén:ni', ì:se enhshehsennínion'te' ne rakó:ra tóka' ni' iekó:ra ne sahén:ton tahá:ta'ne' ne House of Commons, tho nón:we tenharihwakéhnha' tánon' ienhaianerenhseróhetste' ne ì:se sarihwà:ke.

338 na'tekanakerahserià:khon ne Koráhne. Tsi nikarì:wes tehonnitiohkwakénnie's, shaià:ta Rakó:ra tóka' ni' tseià:ta Iekó:ra enhonwaia'tarákwenke' ne sanakerahserà:ke ahá:take'. Tsonkwe'tátshon ne Ratikó:ra ronanitskwahrahtsherá:ien ne House of Commons.

Né: ne ronwatia'tarákwen enwá:ton' énska kentionkwakwe'niiò:ke enhatí:take', tóka' ni' enhontatewenniióhake', né: kén:ton tsi iah thahotitiohkwaién:take'. Nó:nen akwé:kon tsi na'tekanakerahserià:khon iehonwatihsenniniòn:ton entewahsé:tonke', iotkà:te tsi nikentiohkò:ten aonhà:'a thonanitskwahrahtsherá:ien ne House of Commons enhonnón:ni' ne kakoráhsera. Sok ne ohén:ton ì:rate tóka' ni' í:iente Rakora'kó:wa ne Koráhne enhá:ton'.

Enwá:ton' Ken Ienkhehsennínion'te'?

Enwá:ton' tóka' -

- Korahró:non nahsia'tò:ten
- 18 nitisá:ien ne teionnitiohkwakénnie's awenhnísera
- Enhskwé:ni' ahstó:kenhte' ónhka nì:se tánon' ka' nón:we nihsì:teron

Wakatatshén:nare ken ne iakhehsennínion'te'?

Orihwí:io són:ni tsi satatshén:nare

Tóka' nòn:wa iah tetkaié:ri tsi ní:tsi satatshén:nare tóka' tesanatáhkwen, Korahró:non wahsá:ton', tiotierénhton enhshehsennínion'te' tóka' ni' í:non iehsaterihwaiénstha.

Kwah ó:nen'k **elections.ca/register** iahá:se ne ahsátken'se', ahserihwahní:rate' tóka' ni' áhtsha' ne ahsatatshén:naren'. Watié:sen tánon' eniosnoréhake' nó:nen iehshehsennínion'te'.

Tesatonhontsó:ni ken akwarì:wawa'se'? Taskwatewennátahs, **1-800-463-6868**.

Saten'nikòn:raren tsi én:wawe' ne sahiatónhsera kahiá:ton iehshehsenniniòn:tha

Nó:nen enhsatatshén:naren', ken'k nikarì:wes ensahiatonhseró:ta'se' kahiá:ton tsi iehshehsenniniòn:tha. Tho kahiatonhserà:ke kahiá:ton kátke, ka' nón:we tánon' oh ní:tsi aón:ton iahshehsennínion'te'.

Sátken's ne sahsén:na tánon' ka' nón:we nihsì:teron ne sahiatonhserà:ke. Tóka' tkaié:ri, satatshén:nare ne iahshehsennínion'te'.

Tóka' iah tetkaié:ri tóka' ni' iah thaiesahiatonhserotà:seke', **elections.ca** iahá:se tóka' ni' taskwatewennátahs ne ahserihwahní:rate' ne sarihwa'shòn:'a.

Kahiatónhsera ò:ni' sahró:ris -

- oh ní:tsi ienhsatáweia'te' tsi ieiontats Henniníon'tákhkwa'
- oh ní:tsi tenionsawennanetákhkwa'se' tóka' ni' tenionsanihsnonhsaierónnion'se'
- oh ní:tsi ò:ia ní:tsi tentionsarihwáhsnie'se'.

Oh ní:tsi enwá:ton' ienkhehsennínion'te'?

É:so ká:ien oh náhsiere' ne iahshehsennínion'te' -

- Teionnitiohkwakénnie's awenhnísera
- Ohén:ton tsi ní:re wenhniserakwe'ní:io én:wawe'
- Elections Canada tsi iehiatónhkhwa'
- Ienhsathiatonhseraténniehte'

Iehshehsennínion:tha ne teionnitiohkwakénnie's awenhnísera

12 nenkahwistà:'eke' enkahnhotonkwénhake' tsi nón:we iehshehsennínion'tákhkwa'

Oh ní:tsi ensató:kenhse' kátke tánon' ka' nón:we iehshehsennínion'te' nó:nen entewaterihwakétstko' tsi tehonnitiohkwakén:ni' -

- Sátken's ne thí:ken kahiatónhsera sahiatonhserotà:se kahiá:ton tsi iehshehsennínion:tha
- iahá:se tánon' tesaristò:rarak tsi niiohiatonhkò:ten ne saná:ta
- taskwatewennátahs, **1-800-463-6868**

Ia'shehsennínion't ohén:ton tsi ní:re wenhniserakwe'ní:io én:wawe'

Kaié:ri nón:ta wenhniserarákwen tsi nikahá:wi sate'shén:naien ne iahshehsennínion'te'.

Éntie ní:kare tsi ní:re 8:30 o'karahsnéha enkahnhotonkwénhake' ne ohén:ton wenhniserarákwen.

Oh ní:tsi enhsetshén:ri' tó: shískare tánon' ka' nón:we enkahnhotonkwénhake' ne ohén:ton wenhniserarákwen -

- Sátken's ne thí:ken kahiatónhsera sahiatonhserotà:se kahiá:ton tsi iehshehsennínion:tha
- iahá:se tánon' tesaristò:rarak tsi niiohiatonhkò:ten ne saná:ta
- taskwatewennátahs, **1-800-463-6868**

Iehshehsennínion:tha ne Elections Canada tsi iehiatónhkhwa

Nó:nen entewaterihwaketskwénhake' tsi tehonnitiohkwakénnie's, thikawenní:io ka' ní:ká:ien Elections Canada tsi iehiatónhkhwa iahá:se, ensanaktó:take tsi ní:re 6 nitiohwistà:'e Ratironhia'kehronòn:ke, ohén:ton tsi ní:re tehonnitiohkwakénnie's awenhnísera.

Oh ní:tsi enhsetshén:ri' ka' nón:we Elections Canada tsi iehiatónhkhwa', **elections.ca** iahá:se tóka' ni' ia'satewennáta ne **1-800-463-6868**.

Iehsathiatonhseratenniéhtha tsi iehshehsenniniòn:tha

Tóka' iah tho téhse's ne sanakerahserá:kon tsi niwenhniserò:ten ne teionnitiohkwakénnie's, tóka' ni' sénha ensatié:senhse', enwá:ton' iehsathiatonhseraténniehte' tsi iehshehsenniniòn:tha.

Oh ní:tsi -

- Ia'satatsshén:naren ne iaionsatenniéhnten' ne ieiontatshenninion'tákhkwa. **Elections.ca** enwá:ton' iehsatatsshén:naren', Elections Canada tsi iehiatónhkhwa, Canadian Embassy, High Commission tóka' ni' Consulate.
- **Ohna'kénha wenhniserá:te** – Né: ne iontatshennarákhkwa sáhson tánon' tsà:tare tekahna'netáhkwen ó:nen'k tsi enionkwaién:take' ohén:ton ne 6:00 o'karahsnéha Ratironhia'kehronòn:ke ohén:ton tsi nióre teionnitiohkwakénnie's awenhnísera.
- Nó:nen enionkwató:kenhse' tsi satatsshén:nare, ienkwatenniéhnten' ne ieiontatshenninion'tákhkwa tánon' ne akwé:kon tsi nahò:ten tensatonhontsonfhake'.
- **Tóhsa satehrhá:rat!** Tesatonhontsón:ni aiesanaktó:take' aón:wawe' ne ieiontatshenninion'tákhkwa' tánon' ne Elections Canada iaonsón:wawe'

Oh nikahiatonhserò:ten iákhawe'?

Tóka' iehshehsenninion'te', ó:nen'k tsi enhstó:kenhte' tsi ì:se tánon' ka' nón:we nihsì:teron -

Shena'tón:hahs ne skahiatónhsera kó:ra ionsá:wi tsi niká:ien tsà:tare, tshén:nare, tánon' kahiá:ton ka' nón:we nihsì:teron. Tsi ní:ne iakoianerenhserá:ien ne aiontó:ri' kahiatónhsera.

TÓKA' NI'

Shena'tón:hahs tekahiatonhserá:ke. Tetsá:ron ó:nen'k tsi enhtshén:narake', tánon' énska ó:nen'k tsi enkahiá:tonke' ka' nón:we nihsì:teron. Tsi ní:ne, ata'karitéhshera kahiatónhsera tánon' ne kahiatónhsera kahiá:ton tsi satká:rote.

TÓKA' NI'

Serihwahní:rat – Shena'tón:hahs tekahiatonhserá:ke tshén:nare tánon' senè:shek ne ónhka'k ionsaienté:ri, akaónha tóka' ni' raónha enwá:ton' enierihwahní:rate' ka' nón:we nihsì:teron. Ó:nen'k tsi akaónha tóka' ni' raónha enionkhina'tón:hahse' kahiatónhsera iehsén:nare tánon' kahiá:ton ka' nón:we niè:teron, tánon' ó:nen'k tsi né: sha'kanakeráhsera ieniakotatshenninion'tónhake' tsi ní:ioht nì:se. Tsonkwè:ta khok eniekwé:ni' eniontaterihwahní:ratshe'.

Iakwaié:nas tsi nikahiatonhserò:ten's ne iah tha'tekatenion. Tsi nikahiatonhserò:ten karonwarà:ke tewatenniéhnton (tsi ní:ioht ne e-statement tóka' ni' e-invoices), eniakwaié:na' tóka' tekahna'netáhkwen tóka' ni' aón:ton' ahskwana'tón:hahse' í:kare tsi teiehtharákhkwa'.

Oh neniá:wen' nó:nen ienkhehsennínion'te'?

Nó:nen satatshén:nare, né: kí:ken neniá:wen'ne' nó:nen tho iénhse' tsi iehshehsenniníon'tákhwa'.

1. Nó:nen ienhsatáweia'te' tsi ieiontatshehniníon'tákhwa', iakoió'te tenionsanonhwerá:ton' tánon' enionsana'tón:hahse' tsi nó:n:we tkaié:ri watekhwahráhtsherote.
2. Tsi nó:n:we kà:niote ne satekhwà:ra, shena'tón:hahs ne sahiatónhsera kahiá:ton ónhka nì:se tánon' ka' nó:n:we nihsì:teron.
3. Iakoió'te eniontatshehniníon'tákhwa' kahiatónhsera.
4. Ísi' non'á:rati iahá:se, tserón:nitst, tánon' sashiatonhserakwe'nón:ni ne ahserihwáhsehte'.
5. Tontashé:ion ne iakoió'te naiá:wen' taiehiatonhserakháhsi'.
6. O'neróhkwakon ia'shiatónhserenht.

Kateweiénstha' – Oh ní:tsi enkatateweiennén:ta'ne' ne iakhehsennínion'te'?

Tóka' ienhshehsennínion'te', ó:nen'k tsi enhtshén:narake'. Sátken's, tánon' saserihwahní:rat tóka' ni' iahá:tsha ne ahsatatshehniníon'te' ne elections.ca/register.

Tóka' ni' tehsenakeréhkwen – énska tsi nó:n:we saterihwaienstà:ne's, tánon' ò:ia' nó:nen iah tehsaterihwaienstà:ne's – será:ko ne sanonhsakwe'ní:io, tánon' í:satst tsi niiohiatonhkò:ten nó:nen enhsatatshehniníon'te'. Tsi nihá:ti ronwatiia'tarákwen ne sanakerahserakwe'niiò:ke ienhshehsennínion'te'.

Nó:nen satatshén:nare, tánon' kwah ohná:ken tsi entewaterihwaketskwénhake' tsi tehonnitiohkwakénnie's ensahiatonhseró:ta'se' ne kahiatónhsera kahiá:ton tsi iehshehsenniníon'tha. Kahiá:ton kátke tánon' ka' nó:n:we iehshehsenniníon'tákhwa'.

Sehiá:rak – Tóka' iah tho téhse's ne sanakerahserá:kon, tóka' ni' sénha ensatié:senhse', enwá:ton' Elections Canada tsi iehiatónhkhwa ienhsaténniehte' tóka' ni' tho iénhse'.

Oh nahò:ten ká:ien ne aontiesénhake' ne iahshehsennínion'te'?

É:so tiakwahtkà:was tánon' ionkwá:ien ne ahotirì:wawa'se ne Korahró:non.

Né: kí:ken ionkwá:ien ne aiakorì:wawa'se' -

- Kahiatonhkwakowanáhta
- Iah teié:ken akohiatónhsera
- Kowá:nen kahiá:ton tsi nihotihsehnò:ten's ne ronwatiia'tarákwen
- Iah teié:ken akohiatonhserà:ke kahiatónnion tsi nihotihsehnò:ten's ne ronwatiia'tarákwen
- Teionnihsnonhsaierónnions teiwennanetákhwas (ohén:ton taskwatewennátahs naiá:wen aiakwarihwahserón:ni')
- Enkwaié:nawa'se' ne ahsierón:nitste' ne sahiatónhsera
- Sénha é:so ensathahseró:take'

- Tóka' iah thahskwé:ni' aontahsiá:ken'ne' tsi tisanónhsote tánon' tesatonhontsó:ni ne tho iahshehsennínion'te', taskwatewennátahs

Tsi ní:ioht tsi ienhsatáweia'te' tsi ieiontatshenninion'tákhwa'

Tóka' satatshén:nare ne iahshehsennínion'te', kwah ohná:ken entewaterihwaketskwénhake' tsi tenhonnitiohkwakén:ni' ensahiatonhseró:ta'se' ne kahiatónhsera kahiá:ton tsi iehshehsenniniòn:tha. Kí:ken kahiatonhserà:ke kahiá:ton oh ní:tsi ienhsatáweia'te' tsi ieiontatshenninion'tákhwa'. **Elections.ca** enwá:ton' ienhserihwatshén:ri' ò:ni', tho nón:we tesaristò:rarak oh niohiatonhkò:ten ne saná:ta tóka' ni' **1-800-463-6868** ia'satewennáta.

Nó:nen tho iénhse' ne iahshehsennínion'te', tsi ieiontatshenninion'tákhwa' enwatehnhótón:ko' tsi kahnhokà:ronte tóka' ni' iakoió'te enionsaia'takéhnha'. Ahsathontátsheke' ken ahshehró:ri' oh ní:tsi aón:ton' aionsaia'takéhnha'.

Iakwatkèn:se's oh ní:ioht tsi ieiontaweia'tákhwa' tsi ieiontatshenninion'tákhwa' tsi niwenhniseré:son's. Tóka' íhsehre othé:nen ahseri'wanón:ton' tóka' ahsathrória'te' tsi iehshehsenninion'tákhwa', takwahronkà:ten tánon' entsakwarihwaka'é:ion'.

Tóka' íhsehre akwé:kon ahsewennahnó:ton oh ní:tsi teiakwaia'toréhtha tánon' iakwanonhsarákwás tsi nón:we iehshehsennínion'te', **elections.ca** iahá:se.

Oh ní:tsi enkhehró:ri' nahò:ten kanonhtónnion ne Elections Canada?

Takwahró:ri' oh niakwaio'tenhserò:ten. Ionkwaia'takéhnhas ne sénha takwarihwáhsnie'se'.

Enwá:ton' -

- **elections.ca** general feedback form tesarihwa'serakohá:ton
- **1-800-463-6868** taskwatewennátahs
- tóka' tesahonhtakwé:kon **1-800-361-8935** ia'satewennáta

Tóka' íhsehre aontahsate'nikonhráhtka'we' tsi ní:tsi ieiontaweia'tákhwa', enwá:ton' -

- tenhseri'wa'serakohá:ton ne accessibility feedback karihwanóntha, **elections.ca** ítka're tóka' ni' tsi iehshehsenninion'tákhwa' tká:ien
- tensenihthá:ren' ne ónhka'k tsi ieiontatshenninion'tákhwa' tiakoió'te

Ka' nón:we enwá:ton' sénha é:so aonktó:kenhse'?

- **1-800-463-6868** ia'satewennáta
- **1-800-361-8935** ia'satewennáta tóka' tesahonhtakwé:kon

Elections Canada rotihiatonhserakà:te kahiatónnion oh ní:tsi tehonnitiohkwakénnie's -

- orihwa'shòn:'a tánon' ierihowanahtha'shòn:'a
- nia'té:kon iakona'tón:nis tsi ní:tsi tehonnitiohkwakénnie's
- karihonnienníhtshera

Enwá:ton' **elections.ca** entehstáhko', tóka' ni' entehskwatewennátahse' ne tekahna'netáhkwen iakwatenniénhten.

Oh naié:iere' ne ieiontats Henniniòn:tha

- Orihwí:io sòn:ni tsi **elections.ca** tehtshén:nare
- Saten'nikòn:taren ne aón:wawe' ne sahiatónhsera kahiá:ton tsi iehshehsenniniòn:tha
- Sátken's tóka' tisahiatonhseraié:ri ónhka nì:se
- Né: ne aiesató:kenhse' ónhka sanakerahserá:kon ronwatiaa'tarákwen **elections.ca** tesaristò:rarak oh niohiatonhkò:ten ne saná:ta
- Será:ko oh ní:tsi iehshehsennínion'te'
- Tsi senhni'tahsetà:tha skahkwen'tarónnion ne wenhniserakwe'ní:io's
- Serihwahserón:ni oh ní:ioht tsi tho iénhsewe'